



11. januar 2023

UPA 2023/81

Inatsisartut Suleriaasianni § 36 naapertorlugu apeqqutegaat aallaavigalugu siunnersuut imaattoq matumuuna saqqummiuppara:

Takornariaqarnermik inuussutissarsiteqarnermi akuersissutinik tunniussisarneq qanoq pitsanngortissinnaaneripput aammalu taamatut tunniussisarneq nunatsinni takornarialerisunut naapertuuttumik ingerlanneqartarnerseq pillugu apeqqutegaat aallaavigalugu oqallinnissamik siunnersuut.

(Inatsisartunut ilaasortaq Aqqalu C. Jerimiassen, Atassut)

Ukiuni kingulleri oqallisaqaaq, takornarialerinitinni periutsit atuuttut.

Tassanilu oqallisaalluartut maanna ilagaat koncessioninik tunniussisarneq.

Koncessioninik tunniussisarnerup pilersinneqarnerata siunertariunnarsingaluarpa, tamatta inuiaqatigiittut pissarsiaqaatigisinnaasassatsinnik siunertaqartumik nunaminertamik takornarialerisumut tunniussaqaqtarneq.

Tusarsaasualersimavorli, nunaqqatigut tammajuitsussarsiniarluni piniartitsisarnermik suliaqarniarlutik siunertaqartut koncessionissaminnik qinnuteqartaraluarlutik itingartinneqartuartarsimasut, malittaani avataaneersunit ingiarsaritittutut misigilersut.

Tamanna qanoq iliorntsigt aqqiissuteqarfiginiaqatigiiffigisinnaavarpummita? Sunamitaavaana inatsisitsinni¹ kukkusimagipput, allaat aallartisarussutut inatsisitigut piumasaqaatigisartakkatsinnik inorsittoorlugit?

Qanoq taava uagut piumassuseqarpugut nutarterissalluta? Atangulimi nallinnarsaanermut una sangutinneqassanngilaq, nunaqavissut isiginnaartuinnaanerannik nipimik qujangequsaarfiunani.

Suliassartaami sunaanersaq tamatta inatsisartuniittugut pitsaanerpaanngortissinnaaniassallugu ugartueqatigiittariaqaratta.

Nunaminertamik koncessionimut qinnuteqartarnermi piukkunnassutsimik qinnuteqartoqartillugu nalilersueriuseq nunatsinni aallartisarnerniartunut tulluuttuunersaq Naalakkersuisut nalilersoqqittariaqalersinnaaneraat paasisinnaasariaqarparput. Tassuunakkummi paasisinnaalissangaluarparput, ilumut maanna periuseq atorneqartartoq Naalakkersuisunit,

¹ Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-imeersaq tassanilu piumasaqaatit § 9-miittut



kommunillu suleqatingalugit qanoq pitsaanerulersinneqarsinnaanersoq nunaqqatitsinnut tulluunnerulerseqqillugu.

Tammajuitsussanillu piniariartitsisarnermi, annerpaamik Nunatta karsianut iluaqutaasumik inissisimasariaqarnera, ingasammillu mittarfissuit piareeriartuaalernerani inissaminiissorinarpoq arlaatigut inatsisitigut sanngiiffeqarsimagutta nalimmassaqqittariaqalersimassasugut.

Malittaaanillu Visit Greenland, taamatuttaarlu Inuussutissarsiornermut Naalakkersuisoqarfik, kommunini inuussutissarsiornermut ingerlatsiviit siunnersuisarfiilluunniit suleqatigiilluartariaqarneri pisariaqavissorpoq. Aningaasammi isertitsissutaasartup annertunerpaartaata nunatsinniinginnarsinnaanissaanik eqqanaarinnittariaqarnerput tamatta maaniittugut kissaatigiunnarsivarput. Taava qanoruna ilisamik tamanna eqqanaarniaripput?

Nunaminertat pillugit inatsit tulluarsarniarparput, imaluunniit qaammarsaaneruneq aqqutissaasimanerpa?

Nammineq isumanni tasaanerugunarpoq, nunaminertanik koncessioninik agguaasarnermi piomasqaataasut qimerluualaaqqilaassallugit, immitsinnut annertuallamik inorsissimanerluta misissortariaqarunnarsivarput. Minnerunngitsumillu, nunarujussuatsinni innuttaasut piniariartarfitoqaanut "pinnaannermik" akornutaasumilluunniit inissisimasoqanginnissaattaaq eqqarsaatingalugu. Uani ilaatigut eqqarsaatigivara, qangaaniilli tuttunniartarfitoqaasut, umimmanniartarfiusut eqalunniartarfiilluunniit kinguaariinni kingornuteqattaartutulluunniit pineqartartut kalluarneqarpallaannginniarnissaat, malittaaanillu namminersortutut inuussutissarsiuteqartuttaaq naammagisimaarsinnaasassaannik inisseeqatigiinnikkut.

Oqallilluarisi.